

NADAB YE ABIHU
Leviticus 10:1-20; Numbers 3:1-4
QYQHỌ UKPEP-ŊKPỌ 85

Eke Mkparawa

IKỌ IBUOT: “Etuak ibuoṭ enọ Jehovah ke edisana uyai: mbufo ofuri ererimbot edara enye ke iso”
(Psalm 96:9).

Idaresit Nditọ Israel

Akwa idaresit ama odu ke nna nditọ Israel ke usen oro ekeberede usuñ Ataya enim nte itie ukpono Abasi, ema enyuñ enam mme oku esana ke abaña edisana utom. Inemesit mmọ okokpon adaña didie ke nditiene mme item Abasi ke ndinam mme uwa! Ndien ke ini ikañ ọkọduṣe ofuk itie uwa onyuñ atade uwa oro, idara mmọ ama otim ọyọhọ. Mmọ ema edioñ ete ke ikañ oro okoto Abasi, ndien mmọ ema edat esit ete ke Enye odu ye mmimọ. Idara ama okpon ke esit mmọ tutu mmọ eduọ ekibi iso mmọ ke isoñ ekpono Abasi.

Aaron ye nditọ iren esie eketim enyene mme edidiọñ emi okokponde akan eke mmọ eken. Ema esio mmọ saña-saña enim enọ utom ke Edisana Ebiet. Mmọ ekesine ata ndiye edisine ñkpọ emi mme oku ikpọñ ekesisinede, ndien kpukpru owo eyefiok ete ke mmọ ekedi ndisana owo. Akande oro, Abasi ama okot ke enyiñ, Aaron ye ikpọ nditọ-iren esie iba, Nadab ye Abihu, ete edọk ke obot ye Moses ye Aaron ke ini oro Abasi akayararede Idemesie ọnọ mbiowo ata ye duop (Exodus 24:9-11).

Kere utọ utibe ifet emi mmọ ekenyenede nditim mkpere Abasi! Emi akpakanam mmọ etim ekop inemesit enyuñ esuhọre idem mmọ, edomo nte ekekeme ndinem Ọbọñ esit ke kpukpru se mmọ ekenamde. Kere baña ubọñ emi mmọ ekpekenyenede, ke utit uwem mmọ edieke mmọ ekpekenamde ñkpọ enọ Abasi ke akpanikọ!

Edikokoi Ntut-Utọñ

Edi utu ke ndikop uyo Abasi, kpa ke ufọt idara ye ubọñ ediberede usuñ ufọk, Nadab ye Abihu ke ntut-utọñ ema eda esen ikañ ke mme ñkpọ ufọp insens ufuọñ-ñkpọ mmọ edi ke iso Jehovah. Mmọ ikenyeneke mfaña. Abasi ama anam edisana ikañ asak ke itie-uwa, onyuñ ọnọ kpukpru se ekeyomde ke edu ukpono mmọ. Enye ama otim etiñ ọnọ mmọ kpukpru se edinamde, onyuñ ọtọt mmọ ete ekuda esen ikañ edi ke Ataya. Edi kpa ke usen oro Enye eketiñde ọnọ mmọ, mmọ etut utọñ. Mmọ ekekere ete ke usuñ mmimọ ama onyuñ ọfọn. Ọmọfiok se ikotibede inọ mmọ?

Etọ Ewot

Ikañ emi otode Abasi ama ọduọ ọtọ Nadab ye Abihu onyuñ owot mmọ ini kiet, ukem nte obuma. Ke ini kiet mmọ ema edu uwem, edi ke idaha efen mmọ ema ekpaña. Abasi ama ọñwọñ ete ke nditọ mmọ eyedi mme oku ediana mmọ; edi oto ke ntut-utọñ mmọ, mmọ ema ekpaña, inyeneke nditọ emi ekpetienede mmọ ke edem.

Abasi oyom mme owo enim kpukpru mbet; ndien ke ini mmọ minimke, ubierikpe Esie etiene mmọ. Enye ọyọhọ ye mbọm inyuñ imiaha idiok owo iwot ke ndo-ndo oro (okposuk edi oro esitibede ke ndusuk ini), edi ubierikpe osuk ododu. “Ukpọñ eke anamde idiok eyekpa mkpa” (Ezekiel 18:4). Ediwak owo inimke oro ke akpanikọ, enyuñ ekere ete mmimọ iyeka Heaven okposuk edi inamde idiok-ñkpọ. Adam ikonimke emi ke akpanikọ ñko, ke ini enye okotutde utọñ ke uyo Abasi ke Iñwañ. Abasi ama ọdọhọ enye ete edieke enye adiade mfri eto ifiok eti ye idiok, enye enyene ndikpa. Edi Satan ama ọdọhọ Eve ete ke enye idikpaha, edi eyenyene ifiok nte Abasi. Ntre Adam ye Eve ema enim Satan ke akpanikọ ekan Abasi. Ndien se nte ufen mmọ okokponde! Mmọ ema ekpaña ke spirit, ndien Abasi ikamaha aba ndisaña ye mmọ ke ofum uwemeyo ke ediye Iñwañ. Enye ama ọdọhọ mmọ ekpọñ Iñwañ enyuñ eka esen itie ke ererimbot ekenam ọkpọsọñ utom ndida ndu uwem. Mmọ ema ebọ ufen ke udọñ ye ubiak emi mikpekesimke mmọ edieke mmọ ekpekekopde uyo Abasi.

Ubierikpe Iditreke Nditiene

Abasi, ke anyan ini ebebet mme owo emi mifiokke ndinam ñkpọ nọ Enye, onyuñ onọ mmọ ediwak ifet anyan ini ndikabare esit. Edi mbọm Esie itimke ibighi ke ini mme owo ekoidekoi enam idiok ebiat mme ewuhọ Esie. Nadab ye Abihu ema etim ekpere Abasi enyuñ efiok uduak Esie, ekpekenyuñ efehe nditut utọñ ye Enye. Mmọ ema edot ufen emi Abasi akayakde abuat mmọ. Mmọ ikenyeneke baba ifet kiet ndibeñe edifen.

Ikọ Abasi Añwaña

Yak nnyin ikere nte edide akpan ñkpọ ndikop uyo Abasi. Nnyin imenyene Ñwed Abasi, Edisana Ikọ Esie, ndien ke esit esie nnyin ikut usuñ nsinsi uwem. Abasi ada akwa ifet ndinam mme item Esie añwaña. Enye ọdọhọ ete, “Mbon isañ, idem mme anana ibuoṭ, ididuehe” (Isaiah 35:8). Nnyin imesiwak ndikut nte ñkpri nditọwọñ enyenede ifiok erinyaña mbemiso mme ete ye eka mmọ edinyene. Jesus ama ọdọhọ ete, “Ibọhọke mbufo ewọñọre ekabare

etie nte nkpri nditwofn, mbufo ididukke ke Obio Ubfn Heaven” (Matthew 18:3). Mme owo enyene ndifre mbaña ifiok mmq nnyuñ nkop uyo Jesus edieke mmq eyomde ndibq erinyaña.

Ke Edisana Nwed Abasi, nnyin imenyene mme mbuk uwem ikpo owo emi abañade nti ye ndiqi edinam mmq. Ema enyuñ ewet mme mbuk-eset mme idut ke ndisana ikpa nwed oro. Jesus okodohq ete, ekewet mme nkpo oro enim enq nnyin nte mme uwut-nkpo. Ntre nnyin inyene ndikot Nwed Abasi inyuñ itim ikpep enye man ifiok mme ukpep-nkpo eke idade ito mme uwut-nkpo oro.

Edieke mme owo ke utq akwa idaha utom oro enamde idiok-nkpo, nte Nadab ye Abihu ekenamde, ndien ekesobo mmq ke ntak idiok-nkpo mmq, nnyin imekeme ndikut ite ke Abasi eyesobo owo ekededi emi anamde idiok-nkpo. Ndisine mme edisine-nkpo oku, nnyuñ nnam utom ke ufok Abasi idinamke enye odu ke mbeñidem ndisobo ye Jesus. Edieke enye anamde idiok-nkpo enye eyekpa onyuñ qbq ufen. Jesus okodohq ete, “Idighe kpukpru owo emi ekotde Mi ete, Qbfn, Qbfn, ediduk ke Obio Ubfn Heaven; edi owo eke anamde uyo Ete Mi emi odude ke heaven” (Matthew 7:21). Ke ini efen Enye okodohq ete “Nsinam mbufo ekotde Mi ete, Qbfn Qbfn, ndien minamke se ndohqde?” (Luke 6:46). Nsq idi ntak emi nnyin iwutde idem nte nditq Abasi edieke nnyin minimke kpukpru ibet Abasi? Nnyin idikemeke ndiduk ke Heaven ibohqke nnyin idu uwem nte ekemde ye kpukpru ikq emi Jesus qdofnde onq nnyin.

Ndisua Nsu-nsu Edu Ukpono

Ndusuk owo ekere ete, sia mmimq inamke akpanikq ke ido ukpono Abasi mmimq, se ededi emi inimde ke akpanikq inamke nkpo. Nte oro edi se Nwed Abasi etiñde onq nnyin? Nadab ye Abihu ekefop insens (fuqn-nkpo) ke nkpo ufop insens (ufuqn-nkpo) mmq nte ibet Abasi eketemede, mmq ekesaña ebe ke ido ukpono, edi mmq ekeda ikañ emi midotke enam.

Abasi asasua nsu-nsu edu ukpono. Enye ama etiñ onq Nditq Israel ke ediwak ini ete ekpeme idem ye mme owo emi ekponode ndem; enyuñ ekut ete ke mmimq itieneke ido mme okpono ndem.

Ini kiet ke ini Israel ekenamde idiok-nkpo, Abasi ikayakke ntqi edim edep ke isqn ke isua ita ye ofiqn itiokiet. Ke utit ini oro, Elijah ama atuaha ye mme oku Baal ndiyarade enye emi edide Abasi akpanikq. Ke okposqn udqn ndikop ibqrq nto mme abasi mmq, mme okpono Baal ema ekpi idem mmq tutu iyip qwqrq. Edi nkpo ndomo-kiet ikitibeke. Mmq ema enam akpanikq ke ido ukpono mmq, edi nsin-ifik mmq ikadaha baba ibqrq idi.

Jesus ama qdohq nnyin ete, nnyin inyene ndikpono Ete ke “Spirit ye ke akpanikq.” Enye ama afiak qdohq ete: “Etiñ enyin ekpeme idem mbak leaven mme Pharisee ye mme Sadducee” (Matthew 16:6). Mmq ekedi mme okpono Abasi, edi mmq ema enyene idiok-nkpo ke esit mmq, ndien Jesus ama qdohq mmq ete, mmq edi mme idiok owo. Ukpono Abasi mmq, okposuk edi nte mmq ekesinde ifik ewut nte mmimq inimde ke akpanikq, ikasañake ikekem ye mme ukpep-nkpo Jesus.

O, edieke mme owo ekpefiokde ete ke edida edisana edu uwem ye ata esit emi enamde asana ndinam mmq edi kiet ye Jesus, ndinam mmq ebeñe idem ndika Heaven! Ido ukpono emi asañade ye esit idiok-nkpo iditimke owo idem ndisobo ye Jesus.

Esen Ikañ

Ndusuk mme okpono Abasi enyene okposqn nsin-ifik ye ikpikpu ifiopesit “ikañ,” oro edi “isen ikañ.” Mme oruk owo emi iduhe uwem nte Nwed Abasi ekpepde. Jesus okodohq ete, “Mbufo eyeda mfri mmq efiok mmq” (Matthew 7:16). Ntre okposuk edi nte owo okpowutde idem mme ndinyuñ nsio idem esie enyiñ owo Abasi ye kpukpru nsin-ifik emi enye owutde, edieke enye miduhe edisana ye inem-inem uwem emi Jesus ekpepde, enye idighe owo Abasi.

Ifuhqke Ibaña Idiok-Nkpo

Nte ededi, Aaron ama ama nditq esie iren. Enye ama onyuñ ama mmq nte mme mmq emi Abasi emekde. Edi ke ini Abasi okosobode mmq ke ntak mme idiok-nkpo mmq, Aaron ama ofiok ete ke ubierikpe Abasi ama enen, ndien enye ikokubokere inua esie ke mbqm. Edieke Aaron okpokofuhqde, oro ekpetie nte enye ekeseme abaña edinam Abasi ndisioño mme ndiqi oku mfep. Utom Abasi ekedi akpan nkpo onq enye akan mme ekikere idem esie. Enye ye nditq iren esie iba eken ema eka iso ke ndo ndo oro ndikpono Abasi mmq.

Nnyin idu ke mfuhq ke ini owo afiakde edem okpqn Abasi, ndien nnyin ibqn okposqn akam ite yak Abasi enyene mbqm afiak anyaña utq owo oro. Edieke enye esinde ndiyom Abasi, nnyin ikemeke ndiyak ntut-utqn esie qbiqnq nnyin ke utom Qbfn. Ndien edieke esibede owo efep ke ntak nsqn-esit esie koro enye qsqnde esit esie ke ata anyan ini esin Andinyaña, nnyin inyene ndikpqn oro ye Abasi, nnyuñ ndomo nte ikekeme ndikq mme ukpqn efen nnq Obio Ubfn Abasi.

Abasi ama qdqn Samuel anditiñ ntiñ-nnim ikq ini kiet ndiyet Saul aran nnim ke edidem Israel. Obufa edidem emi ekedi eyen nsuhqre-idem emi okokqride okpon akabare edi ediye akparawa; ndien Samuel ama ama enye. Ke ini Saul ama okqtnq ndikpon enye qtnq ndikohore idem, onyuñ otut utqn ye Abasi. Abasi ama ayat esit eti-eti onyuñ osio Saul ke itie ubqn efep. Samuel ama qfuhq eti-eti abaña oro. Enye ama eti abaña nte Saul akamade

Ọbọń ke ini enye ekedide akparawa, ndien ekedi ọkpọsọń ńkpọ ndikere mbańa enye nte idiọk owo. Abasi ama ọdọhọ Samuel usen kiet ete: “Adańa didie ke afo editua Saul, sia mma nsio enye mfep ke idaha edidem Israel?” (I Samuel 16:1). Edi Abasi enyene ọyọhọ mbọm, idinyuń isinke owo ekededi emi oyomde erinyańa.

Enọ Abasi Ubọń

Eyenọ Abasi ubọń. Mme oku ema enyene ifet ndimenere Enye nte Edisana ke ndisuk ibuot nnọ Enye ke mme uwa. Edi Nadab ye Abihu ikokponoke Enye. Abasi ndien okowut mbio oro edisana ido Esie ke ndisobo mme anam-idiọk. Kpukpru owo ema etuańa ete ke mme oku mimmọ eduọńọ, enyuń etim efiọk ete ke ana mmimọ itim ikpeme man mmimọ ńko idinam idiọk-ńkpọ inyuń ituaha ye iyaresit Abasi.

Abasi ikemeke ndise idiọk-ńkpọ ke enyin ima, ndien ke enamde enye ke Ufọk Esie, oro eneńere edi ata ọburọbut. Owo akpanam didie abiańa ete, idi owo Abasi, onyuń ebe ke mme ido ukpono, onyuń aka iso otut utọń ye Abasi onyuń ada esuene ọnọ Gospel! Nnyin ikpakam ifiọk nte edide akpan ńkpọ ndinim mbet Abasi nnyuń nsańa nte enemde Enye esit.

MME MBUME

1. Mme anie ekedi Nadab ye Abihu?
2. Ke mmọń ke nnyin ikebem iso ikop ibańa mmọ?
3. Didie ke akana ete edomo ikań ke ido ukpono Abasi ke ataya?
4. Nso ikedi ewuhọ Abasi ke abańa ikań oro?
5. Ekebigi adańa didie ke Abasi ama ọkọnọ ewuhọ emi, ndien Nadab ye Abihu editut utọń?
6. Nso ikotibe inọ mmọ ke ntut-utọń mmọ?